



35588/B

ПАРТИ, Bartholomé

Q. D. B. V.
DISSERTATIO INAUGURALIS
MEDICA,
EXHIBENS CASUM
DE
CHOREA S. VITI,
QUAM,
DUCE ET AUSPICE NUMINE SUPREMO,
EX
DECRETO ET AUTHORITY
GRATIOSÆ FACULTATIS MEDICÆ,
IN
CELEBERRIMA ARGENTINENSIVM
UNIVERSITATE,
PRO
SUMMIS IN MEDICINA
HONORIBUS ET PRIVILEGIIS
DOCTORALIBUS
RITE CAPESSENDIS,
Ad D. XVI. Septembris Anno M DCCXXX.
SOLENNI ERUDITORUM EXAMINI
submittit
BARTHOLOMÆUS MARTINUS.
Helvet. Glaronensis.

ARGENTORATI,
Typis SIMONIS KÜRSNERI, Cancell. Typogr.

VIRIS,
AMPLISSIMIS, NOBILISSIMIS, CONSUL-
TISSIMIS ET SPECTATISSIMIS,
DNO. JOH. HENRICO
MARTINO,

Præfectura Comitatus Reinthalensis antehac magna
cum dexteritate & laude defuncto, nunc
Inclytæ Glaronensium Reipublicæ Pro-Consuli Gra-
vissimo ac Prudentissimo, & Liberæ sic dictæ Pro-
vinciæ Præfecto Spectatissimo, Patrono, Patrueli &
Fautori suo, omni honoris & observantiæ cultu
ad aras usque prosequendo.

DNO. JOH. MARTINO,
Laudatæ Glaronensium Reipublicæ, Quinqueviro
Meritissimo, h. t. vero Comitatus Werdenbergensis
& Ducatus Warthauensis Præfecto Dignissimo, Pa-
renti suo Dilectissimo, filiali obsequio & amore æ-
viternum colendo.

*Hasce primitias suas cum omnigenæ felicitatis voto, qua
par est reverentia & observantia dedicat,
consecrat & inscribit.*



AUTHOR



PROOEMIUM.



Omo, qui ab Omnipotente Creatore summis præbaliis animantibus exornatus fuit prærogativis atque beneficiis, tot tantaque deplorando lapsu sibi contraxit mala, ut meritas peccati pœnas & contumaciæ mulctas, ut etiam ingenti ea, qua antea fruebatur felicitate deturbatus, vita nunc miserrime variis ærumnis & calamitatibus onusta illi sit agenda. Quis autem omnibus afflictionibus & morbis non solum in corpus, sed & animam tyrannidem suam exercentibus enumerandis par esset? brevitatis hinc gratia mittentes

omnes alios atroces affectus , diris symptomatibus & miris dolorum cruciatibus indefinenter fere humanam progeniem vexantes , solummodo nos convertimus ad accuratiorem contemplationem convulsionum, & paulo majori cum studio ac diligentia inquirimus in diversas illarum species nulli ætati parcentes, & artus concutiendo , vario modo distorquendo , oculos circumvolvendo , triste sæpius spectaculum intuentibus exhibentes. De iis fane integra conscribere possemus volumina , inter illas vero haud ultimo recenferi meretur loco ea species , quæ alias etiam sub nomine Choreæ S. Viti venire solet, qua affecti, uti ex sequentibus patebit, miris gesticulationibus adstantes non solum in admirationem rapiunt, sed & tum peritis, tum imperitis terrorem incutiunt. De qua ægritudine, quantum pro exiguo ingenii modulo, ut & temporis , cujus premor angustia, licitum erit agere, &

vires meas experiri animo quidem proposueram; ad quod non parum incitatus partim quia mihi contigit talem ægrum invisere, & cuncta occurrentia phænomena observare, partim quia pauciores hæcenus hoc argumentum prolixè pertractarunt; sed contemplando tenuitatem meam & materiæ explicandæ difficultatem perterritus à proposito meo fere iterum destiteram, nisi benevolentia Lectoris fretus fuisset, quem proinde submisisse etiam atque etiam rogo, ut juvenilibus his meis conatibus ignoscat, & paucas has rudi Minerva & festinante calamo parum solide elaboratas pagellas benigno animo & oculis intueatur. Itaque favente S. S. gratia rem aggredior, faxit interea Divina Clementia, ut conamina hæc cedant in Nominis Sui gloriam & proximi aliquale commodum.

HISTORIA.



ANNO 1726. mense Septembri cum
 Dieffenhofii apud Virum Celeberr. &
 Practic. felicissimum D. D. BRUNNERUM
 artis medicæ excolendæ gratia degis-
 sem, sequens casus sese obtulit. La-
 nionis filia, decem circiter annos nata, habitu cor-
 poris laxo & spongioso, constitutionis teneræ, staturæ
 pro ætate sat proceræ a nimia (uti confessa est) com-
 messatione fructuum horæorum male se habere cœpit,
 & primo quidem conquesta est de dolore ventriculi &
 anxietate præcordiorum, unde jussu Matris in lectum
 se recepit, sed ibidem non ultra quadrantem horæ com-
 morata, ex improvise in hypocaustum & quidem
 saltando redibat. Ubi varias pedibus manibusque, i-
 mo toto corpore instituebat gesticulationes, tanta cum
 celeritate, ut Gesticulator etiam exercitatissimus, simili
 sive totius corporis sive membrorum tantummodo ali-
 quorum commotione flexioneque eam imitari vix
 potuisset; interdum enim plane mirandos saltus ad di-
 stantiam plurimum pedum fecit, sæpius aliquamdiu in
 uno eodemque loco perstans ad magnam altitudinem
 tunc saliendo pertingebat, pedibus humum nonnun-
 quam contudit, & ubi a matre, isto insolito specta-
 culo vix non exanimata, in lectum deducta fuit, eosdem
 gestus aliquamdiu continuare conabatur, ita ut vi in
 lecto detinenda fuerit, interim præsentente paroxysmo,
 qui periodicus erat, singulis diebus aliquoties rediens,
 & per dimidium horæ, diutius interdum durans, tanto
 pollebat membrorum robore, ut a viris robustis lecto
 coërceri vix potuerit. Cum tamen semper finito illo
 de maxima querebatur artuum lassitudine, & tanta de-
 bili-

bilitate, ut extra insultus tempus è lecto surgere haud valuerit; præterea si poculum potu repletum imprimis durante paroxysmo in manus ei porrigebatur, mille gesticulationes exhibuit, priusquam ori admovit, & liquida avidè licet petens deglutire minime potuit, sed statim suborta tussi per nares aut os constanter rejecit; coetèrum tamen mente semper bene constabat, & finito paroxysmo ante actorum exactè recordabatur, nec quicquam insipienter aut delire loquebatur; interim Parentes de salute infantis admodum anxii, morbum istum insolitis symptomatibus stipatum veneficis (pro more vulgi, qui quoties aliquid, quod captum superat accidit, id statim dæmoni vel, ut Cl. Willis ait, aniculæ insonti in vicinia forte degenti adscribunt) impurantes, auxilium Brunneri implorabant, qui pro sua in medicina dexteritate morbum debitis profligens remediis, illam sanitati pristinae restituit, ita ut hodiernum ad usque diem vitam, quantum equidem mihi notum, incolumem degat.

§ I.

EX recensita morbi historia clare elucescit, fuisse illam convulsionum speciem, quæ vulgo Chorea & Saltus S. Viti *S. Beits Tanz*/ ab aliis etiam morbus S. Modesti, à Paracelso vero Chorea lasciva appellatur. Priusquam autem ad ejus explicationem progredimur, paucis Etymologiam hujus affectus contemplari ratum duximus, Chorea itaque dirivatur a vocabulo græco *χορεία*, quod communiter illam motionem pedum & corporis ad rhytmum & legem musicam denotare videtur, quæ saltatio alias dicitur, & quia ægri superius narrata convulsionum specie vexati, membra certo

respectu, etiam absque musices sono saltantium instar movent, & choreas quasi ducunt, ideo & inde nomen Choreæ sive Saltus ei impositum, Sancti Viti vero, à Sancto quodam hujus nominis Viro, de quo traditur, quod S. Vitus & plagæ & poenæ loco hunc hominibus morbum immittat, aut imprimis quod hujus Sancti intercessione homines isto morbo laborantes liberati fuerint, unde variis in locis Sacella Divo isti fuerunt extructa, ad quæ certo anni tempore multitudo muliercularum tripudiantium confluxerat, ut ejus Divi ope per continuos fere saltus à morbis liberaretur, sic Joh. Rudolph. Camerar. (a) sacelli S. Vito dicati in Drefelhausen dictionis Rechbergensis non procul à Geißlingen, prope Weissenstein in finibus Ulmenium siti mentionem facit. Cujus itidem Georg. Horstius (b) meminit. Phil. Camerar. (c) suo adhuc tempore tale sacellum in monte prope Ravenspurgum, nomen à Sancto isto Viro habens monstratum fuisse perhibet. A Paracelso autem Choreæ lasciva nominatur, quia crediderat, eam a solo imaginationis vitio provenire.

§. II.

Varia & differentes hujus saltus à quibusdam Authoribus narrantur species, dum aliam dicunt esse idiopathicam, aliam symptomaticam, aliam naturalem à causis naturalibus provenientem, aliam supernaturalem a diabolo vel sagis (uti putant) excitatam.

Ad

(a) in Syllog. memorabil. med. & natur. arcan. Cent. X.
p. 74.

(b) Lib. 2. obs. 45.

(c) Horar. Succis. Cent. 2. c. 81.

Ad quam merito refertur ea, quæ sedecim viris & tribus foeminis in cœmiterio choreas ducentibus ex impreca-
tione sacerdotis anno 1012. accidisse perhibetur ex Vin-
centio Belvacensi, Aliam constituunt continuam à prin-
cipio morbi ad finem usq; durantem, ubi ægri continuo,
nisi per inevitabilem dormiendi necessitatem aliquando
interpellantur, saltare gestiunt, uti ex observatione. (d)
FELIC. PLATERI de foemina quadam Basiliensi,
per integrum fere mensis spatium publico loco tripu-
dante (c) annotata apparet; talis etiam fuit chorea
St. Viti, quæ anno 1374. instar pestis per quatuor an-
nos grassata est. Aliam periodicam & plane convul-
sivam per certa vel incerta temporis intervalla redeun-
tem. Cui, quia & ea in præcedentibus à nobis anno-
tata saltus species annumerari meretur, ideo reliquas
omnes sicco transeuntes pede, de hac sola, quan-
tum angusti temporis cancelli permittunt, agere nobis
proposuimus.

§. III.

Definiri autem potest hic morbus, quod sit con-
vulsionum species varia membrorum contorsione, &
saltantium instar commotione ægrum exercens, di-
versis à causis proveniens.

§. IV.

Exhibita morbi definitione, nunc contemplanda
occurrunt signa, quibus dignoscatur ab aliis con-
vulsivis affectibus. Et I.^{mo} quidem ab Epilepsia
in eo, quod insultu epileptico æger subito a-
missis

(a) in observat. Lib. 1, Cap. 3.

missis omnibus sensibus externis & internis prosternitur, cum stridore dentium, contractione pollicum, spuma oris, & aliis diris symptomatibus, secus autem incipit paroxysmus choreæ S. Viti; & licet epileptici, durante paroxysmo, miras interdum gesticulationes instituant, ita ut nulla fere corporis inflexio vel positura noscatur, teste Graviss. Cl. BOERHAAV. (a) quam inflexionem non exhibent, finito tamen illo æger etiamsi perfecte iterum sui compos, minime in paroxysmo actorum recordatur, cujus contrarium in Choreæ S. Viti observatur. 2.^{do} à Catoche sive Catalepsi, qua correpti repente immoti, nec sentientes illum corporis statum retinent, quem primo momento accedentis morbi habebant. 3.^{to} ab aliis convulsionum speciebus v.g. Emprosthotono, Opisthotono & Tetano, in eo, quia in illis non repetitis vicibus nunc totum corpus nunc membra quædam eriguntur vel inflectuntur, nec tam differentes mutationes & agitationes deprehenduntur, uti in saltu S. Viti, sed tantummodo per spasmus musculi cervicem & dorsum retro flectentes ita contrahuntur, ut pedes & caput posterius fere jungantur, uti in Opisthotono, vel caput & pedes antrosum flectantur, uti in Emprosthotono, vel denique corbus æqualiter fere obrigescat, & in longitudinem quasi extendatur, ut in Tetano, de quibus prolixius evolvi meretur Cl. ZWINGERUS (b) & alii, 4.^{to} à Tarantismo sive illo morbo, qui ictu Animalculi, de genere phalangiorum, in Apulia copiose provenientis, arva incolentis & viatoribus tempore præcipue messis, messoribus insidias struentis, magnitudine

(a) in Aphorism. de cognosc. & curand. morb.

(b) in Theatr. Prax. p. m. 279.

dine circiter glandem æquantis, octo pedibus & totidem oculis instructi, differentis coloris, tela textentis &c. Tarantula dicti infligitur, & 1.^{mo} quidem respectu causæ, quæ est Tarantula, alia plane Chorea S. Viti. 2.^{do} ratione symptomatum quæ in pluribus differunt ab illis in saltu Viti; nam tarantula demorfi, paulo post humi concidunt, ut semimortui, cum sensuum & virium jactura, difficili, interdum luctuosa respiratione, ac diu jacent velut exanimæ, nec surgunt, nec saltare incipiunt, nisi prius audito à citharædis musices & quidem (ut contendunt) colori ac genio tarantulæ convenienti sono, ubi dein saltationem ad plures horas imo dies protrahunt, nec unquam tamen sine instrumentis musicis saltant, in quibus si aliquam dissonantiam percipiunt, vehementibus illico suspiriis affliguntur. 3.^{to} respectu effectuum, quia morfu Tarantulæ ægri in præsentaneum plerumque vitæ periculum (ni mature musica succurratur) præcipitantur, & tandem 4.^{to} curationis modo, quæ in tarantismo vix aliter succedit quam musica, uti Cl. BAGLIVUS (a) fusius annotavit, cum e contra in ista specie saltus Viti, de qua agimus, uti non ad musices sonum saltationem instituunt, ita etiam illa in curatione vix quicquam efficitur, sed alia plane medendi requiritur methodus.

§. V.

Tradita morbi diagnosi, cum recta causarum agnitio, medentibus ferè idem quod naucleris nautica pyxis præstat, & plurimum ad curationem contribuat

B

tribuat

(a) In Dissertat. de morfu Tarantulæ.

tribuat, ideo & nobis incumbit feria tam proximæ, quam remotarum causarum indagatio; proximam igitur quod attinet, illa meritorè derivatur ab inordinato influxu liquidi nervei alternatim in musculos antagonistas, proveniente ab irritatione fibrillarum nervearum.

§. VI.

Nascitur autem hæc causa proxima ex aliis, iisque diversissimis causis, quæ commodè tamen dividuntur, vel in remotas corpori inhærentes & prædisponentes dictas, ac procatarcticas; prædisponentes autem dicuntur illæ, quæ corpus ita mutant, ut aptum reddatur suscipiendi morbum, si alia sc. procatarctica, quæ eam in actum deducat, accedit. Inter illas igitur primo loco recenseri potest hæreditaria dispositio, si nimirum talibus parentibus procreati, qui similibus convulsivis motibus erant vexati, nam Parentum morbos sæpius in liberos transmigrare & per successionem quasi tradi, quotidiana docet experientia. 2^{do} tenera nimis & imbecillis nervorum structura, quæ, quia sensibilibus, facilius etiam irritatur, & ad spasmodicas tales contractiones stimulat uti à Cl. FR. HOFFMANN. (a) optime demonstratur. 3^{tio} Laxitas nimia viscerum chylicationi inservientium. 4^{to} dyscrasia humorum qualiscunque.

§. VII.

Inter Causas autem procatarcticas primo loco ponendus aër, de quo & in vulgus notum, quanta mala,

(a) in Med. Rational. System. tom. 2do.

la, si qualitate quacunque noxia imbutus, masticatis & deglutitis cibis permixtus, aut per quascunque vias interiora corporis subiens inferre queat, imprimis infestus generi nervoso, de quo proin jam Medicorum Parens, Divus ille HIPPOCRATES (a) bene dixerat, eum esse maximum auctorem & dominum in omnibus, quæ corpori accidunt. 2.^{do} ingesta, jam vitiosa qualitate, ut sunt fructus horæi non sat maturi imbuta, si adhuc majori quantitate, quam ut à ventriculo & concurrentibus ad digestionis opus humoribus subigi possunt, assumuntur, 3.^{tio} retenta, quæ excernenda fuissent. 4.^{to} animi pathemata, ira, moeror, timor, tristitia &c. Quæ in infantibus hujus ætatis præposteræ disciplinæ scholasticæ rigidiori ac insuetæ subjectis præcipueprehenduntur; quanta autem illa non solum infantibus, sed & adultis inferant mala, quotidiana docet experientia, & de illis consuli potest Cel: BOERHAAV. (b) 5.^{to} Vermes, vel in intestinis aut ventriculo stabulantes, atque rosione sua systema nervosarum partium graviter irritantes talem morbum procreare valent, uti apparet (c) ex *Actis Berolinensium*.

§ VIII.

Exhibitis morbi causis tam proxima quam remotis, indagando ulterius pergimus, & quidem ad nervos, quisc: primario afficiuntur, an sint illi ex cerebro, vel potius e spinali medulla prodeuntes, quorum posteriores præ prioribus irritari inde concludimus

B 2 pri-

(a) Libr. de flat. § 7.

(b) in Institut. med. §. 771.

(c) Volum. 2do, p. 54.

primo, quia inspectio Anatomica nos docet, nervos spinalis medullæ prospicere illis partibus sc. extremitatibus, in quibus præcipue convulsivi isti motus exeruntur. 2.^{do} quia observamus, quod si nervi intra cranium originem fumentes offenduntur, liberum sensuum tam interiorum, quam exteriorum exercitium statim tolli, uti in Epilepsia, nec non Apoplexia clare patet, unde etiam ratio redditur, cur in CHOREA S. VITI sensus omnes integerrimi permaneant.

§. IX.

In explicatione autem mirabilium hunc morbum commitantium phœnomenorum magnum inde nobis affulget lumen, si paulo attentius consideramus anastomosis nervorum per totum corpus, a Cl. WILLISIO & VIDEOSANO accurate descriptam, figurisque illustratam, qua mediante mirabili mechanismo, irritatio facta in uno nervorum ramulo, statim eodem fere momento diffunditur in loca diffusa & remota, absque eo, quod tangantur, pungantur, vel vellicentur, quod toties experimur, quoties plumeola, vel etiam levissimo stramine nervosam per nares expansionem tangimus, ubi per consensum statim irritati videmus nervos pectoris, diaphragmatis atque abdominis, adeo ut motus vehementes sternutationis oriantur, vel si nervi asperæ arteriæ leviter afficiuntur, tunc illico excitari deprehendimus tussim; præterea quotidie fere observamus, quantos etiam suaveolens alias, moschi odor in Hysteriis & Hypochondriacis producere valeat convulsivos motus; deinde si perpendimus muscoli fabricam & aptum eius ad perficiendam actionem, cui destinatus, nexum, insertionem, vim item & directionem il-

lius

lius totidem mechanicis auxiliis , v. g. fasciis , hypomochleis, trochleis & c. adjutam atq; ejus agendi modum, nervorumque per illum expansionem, ita ut nullum fere deprehendatur punctum, in quo non talis fibrilla nervea adsit; porro miram & plane diversam ab aliis locis nervorum in musculo evanescentiam, de quibus promore eruditè agentes evolvi possunt **Celeb. Viri BOERHAAV. (a) WILLIS (b) BERNOULLIUS (c) & alii.** Porro liquidi nervei sive spirituum animalium per nervos, musculis influentium , quantum à posteriori colligere possumus, naturam fluidissimam facillimeque mobilem; denique quanta cum celeritate Chironomi atque Gesticulatores animæ imperio, hos vel illos musculos moveant , qui motus iisdem instrumentis & mechanico modo fiunt, ac involuntarii sive convulsivi, nec in actione ipsa, sed causa tantummodo efficiente ab illis discrepant, dum scil. prior ab imperio Animæ, secus ac posterior proficiscitur.

§. X.

His igitur præmissis indagando ulterius pergimus ad dolorem ventriculi & anxietatem pectoris, quæ nostro quidem judicio inde originem duxêre, quod cibi partim etiam nimia quantitate ingesti & vitiosa qualitate imbuti non bene digeri, & in chylum laudabilem converti potuerunt, sed diutius in ventriculo hærentes, in loco calido, qualis ventriculus est foti, sibi-

B 3

que

(a) Instit. Med. de muscul. action.

(b) Tract. de mot. musculor.

(c.) Diff. de mot. musculor.

que commissi, statim in motum fermentativum redacti fuerunt, & eam acquisiverunt indolem, quam suæ naturæ loco calido stagnantes debent, sicque in acidum humorem conversi, nerveam admodum sensilem Ventrículo tunicam lancinando molestum illum doloris sensum induxere, atque ob illam in §. IX. annotatam nervorum anastomosin inter costales nerves & diaphragmaticos etiam in consensum trahendo anxietatem pectoris excitavere, cum autem ob longiorem moram materies siue cruditates istæ in primis viis hærentes non solum acriores redditæ, sed jam pars quædam in vasa lactea propulsa atque massæ sanguineæ permixta & fibrillis nerveis applicita fuerit, illas pro singulari superficiei suæ structura & applicatione, diversimode irritando inordinatum spirituum animalium per nervos in musculos influxum produxerunt & violentos illos convulsivos motus excitaverunt; certum quippe est quietem corporis dependere ab æquabili liquidorum imprimis spirituum animalium per ductus & canaliculos suos distributione, ita ut in nullum antagonistarum musculum præ altero impetuosior fiat influxus, unde consequenter etiam nullus præ antagonista majorem vim exserere poterit; si vero, quacunque de causa id proveniat, huic vel illi musculo v. gr. deltoidi aut alii duplo celerius applicatur liquidum nervorum, tunc necessariò sequitur, illum eodem tempore etiam duplo plus liquidi nervei præ reliquis scilicet antagonistis recipere & tantum illis decedere, quantum huic accedit, unde prona fluit consequentia, illum tunc etiam fortius agere & antagonistarum resistantiam longe superare posse, sic igitur quantum augetur influxus in elevatores v. gr. humeri, tantum ille minuitur in antagoni-

gonistas sive depressores, & inde elevatores depressoribus prævalentes humerum elevabunt. Idem fit cum cæteris manuum vel pedum ac totius corporis musculis. Si jam ideo inordinatus à diversa nunc horum, nunc illorum musculorum irritatione proveniens succi nervei influxus in antagonistas alternatim fit, etiam illos alternatim agere atque unum alterius resistentiam superare debere clarissimè patet; quo magis autem musculus inflatur, eò etiam fortius se contrahit & actionem suam majori vi absolvit, unde demonstrari & explicari posset, qualis esse & in quosnam musculos fieri debeat influxus ad efficiendam tam validam & uno fere tempore contingentem illorum contractionem, ut nimirum non solum aptus ad saltum corporis situs inducatur, sed etiam ut moles corporis à contactu pavimenti removeatur, ac factò saltu à terra, cui insistit, sursum impellatur, quousque impetus gravitatis sensim auctus æquetur impetui illi projectio saltus, item quantum vis motiva, quæ ad efficiendum saltum requiritur, superare debeat pondus corporis; quia autem hæc describere minis prolixum hic foret, ideo L. B. ad incomparabilem JOH. ALPH. BORELL. (a) ista de materia non minus eruditè quam ex instituto agentem remittimus; potius pergentes ad indagandum illud symptoma, quò acciderit, quod liquida deglutire non potuerit, sed suborta tussi per os & nares constanter rejecerit; quod inde evenisse autumamus, quia ut notum, in valde composita deglutitionis actione velum palatinum extendi & foraminibus narium ita applicari debet, ne deglutienda per illa red-

cant

(a) Libr. de mot. Animal. p. 207. & seq.

cant & itidem epiglottidem glottidis rimæ , ne quicquam de cibis aut potu in illam delabatur; si igitur ob spasmodicam aliqualem affectionem velum palatinum non rite , ut in statu naturali fit, explicatur, sicque foraminibus narium applicatur, non recte etiam munere suo fungi & liquidorum per nares eructationem, nec epiglottis ob similem spasmodicam affectionem glottidem recte operiens delapsum in asperam arteriam impedire potuit, unde liquida nata occasionem irruendi in glottidem & asperam arteriam substantiam illam valde sensilem stimulo statim tussim excitabant, ubi postea per violentos istos excitatos reciprocos concussus expiratorios iterum per quasunque vias ibidem obvias fuerunt expulsa, dum autem spasmodica epiglottidis contractio erat exigua, nec magnam in glottide aperturam relinquebat, quam non claudebat, ratio inde patet, cur sine incommodo solida deglutire potuerit.

§. XI.

Restat autem adhuc quædam in explicatione difficultas respectu paroxysmorum singulis diebus statis ferè temporibus redeuntium, num id inde evenerint? quod per validissimos illos musculorum motus partiumque agitationes fluidissimæ sanguinis & liquidi nervei partes fuerint dissipatæ, ita ut non amplius sufficienti quantitate ad paroxysmum longius protrahendum influere in musculos potuerint, sicque paroxysmum diutius protrahere, quod ex parte etiam confirmare videtur debilitas & lassitudo illa paroxysmum excipiens; vel an fortasse etiam per istos superius annotatos spasmodicos motus materia irritans corpore fuerit

rit expulsa, unde ad tempus nervi ab irritatione liberati manserunt, usquedum tandem iterum ex primis viis vel quocunque alio loco sufficiens quantitas materiæ peccantis ad producendum novum paroxysmum in massam humoralem transierit, & nervis denuò applicita novum paroxysmum resuscitaverit. Quæ cum altioris sint indaginis, ideo etiam aliis dijudicanda relinquimus.

§. XII.

Accedimus autem nunc ad effectus, quos dirus hic morbus, ni mature convenientibus remediis ei succurratur, producere valet, qui sane non spernendi, nam per convulsivos istos sæpiusque redeuntes motus genus nervosum adeo debilitatur ac læditur, & talis illi quasi inducitur habitudo, ut levi postea sed causa spasmodicæ illæ constrictiones resuscitentur, & motus isti vitiosi in consuetudinem tandem ferè abeant, unde facile tot violentis & repetitis convulsivis motibus artuum contorsiones, distorsiones & deformitates inducuntur, ac tandem plane nervos cerebri indies magis in consensum trahendo in deplorandum epilepticum morbum degenerant, & sic denique epilepsiæ communes effectus, nempe vacillationem memoriæ, hebetudinem, fatuitatem, paralytin, apoplexiam & tandem mortem procreant.

§. XIII.

Prognoseos ergò tenendum, hunc affectum, si negligatur, suo haud carere periculo, et si radices jam altiores egerit, curatu difficilem & pertinacem (quod C. test.

test. Graviss. Cl. WEPFERO (a) & Cl. HOFFMANNO (b) nervosis affectibus solenne) evadere, nisi fortasse accedentibus pubertatis annis, ut Cl. SYDENHAM vult (c) per mensium fluxum mitigetur, vel in aliquibus plane tollatur; interim tamen semper eò pertinacior est & minus remediis auscultat, quo tenerior, præsertim à dispositione hæreditaria nervorum est constructio.

§. XIV.

Nihil aliud jam superest, quam ut pauca de curatione adhuc addamus, cujus cardo in eo consistere videtur. 1) ut materies peccans è primis viis eliminetur 2) acrimonia hærens in massa humorali corrigatur, 3) ut nervosum genus roboretur, 4) ventriculi & reliquarum partium tonus restituatur.

§. XV.

Ad scopum ergo nostrum feliciter obtinendum, serio inquirendum erit in constitutionem primarum viarum scil. ventriculi atque intestinorum, ac si per certa signa deprehendimus sive cruditates acido-viscidas sive vermes illis inhærere, tunc in tempore convenienti vomitorio vel purgante hæc heterogenea è corpore eliminantur, & quidem si cruditates vitiosæ, tunc præparandis illis & amovendis ex sequentibus naturæ & constitutioni ægri apta ac congrua pro judicio medentis eligi, & adhibita debita prudentia conveniente

(a) In obs. med. practic. de morb. capit.

(b) In Medic. Ration. System. tom. 2. passim.

(c) Oper. med. tom. I. pag. 518. & 682. edit. Genev.

niente dosi præscribi possunt. v. g. tartar. emet. rad. ipecacuanh. rhabarb. ver. jalap. fol. fenn. mann. calabr. magnes. alb. syr. de cichor. cum rhabarb. passul. laxativ. &c. quæ vel in substantia exhibentur vel ad palatum ægri in varias formulas rediguntur.

§. XVI.

Si vero vermes in illis stabulantur, atque rofione sua tunicam ventriculi & intestinorum irritando tales convulsivos motus concitant, ad expellendos ingratos istos hospites, talia in usum vocanda, quæ vim quasi specificam anthelminticam obtinent, v. g. Mercur. dulc. aloë hepatic. diagryd. sulphur. sem. cinæ tanacet. trochisc. alhand. hermet. Scret. agaric. trochisc. mass. pilular. de succin. Crat. Emanuel & similia, quæ vel in forma pulveris, pilular. aut boli aut quocunque alio modo ægro exhiberi possunt, in quibus selectum observare medico maxime incumbit.

§. XVII.

Expurgatis sic primis viis, si humores acrimoniam à cruditatibus §. XV. annotatis jam contraxerunt, tunc ad illam corrigendam absorbentibus utendum v. g. ocul. 69. ppt. test. ovar. ppt. conch. ppt. corall. rubr. & alb. ppt. os. sep. c. c. ust vel ph. ppt. mandibul. luc. pisc. cret. ppt. crystall. ppt. &c. Ad roborandum autem genus nervosum atque motus convulsivos avertendos & præcavendos nervina antepileptica & antispasmodica sic dicta suppetias ferunt exoptatissimas ex, gt. unicorn. ver. ungu. alc. succin. alb. dent.

hippopot. castor. lap. bezoard. or. & occ. ægagropil. cinnab. antimonii vel nativ. antimon. Crud. rad. pœon. betonic. valerian. petasit. visc. quern. sem. pœon. pulv. epileptic. marchion. craton. specif. cephal. Mich. theriac. cœl. aq. cinamom. buglos. cordial. Nor. epileptic. Lang. syr. fl. tunic. conf. de hyacinth. liq. c. c. succinat. sal. volat. oleos Sylv. c. c. viper. eff. castor. succin. &c. Quæ pro lubitu Medici in substantia decocto, infuso, pulvere aut mixtura propinari possunt.

§. XVIII.

Tonus vero ventriculi debilitatus ut iterum restitatur, sicque nova generatio vel vermium vel cruditarum acido-viscidarum impediatur, sequentia egregio esse possunt præsidio, v. g. rad. galang. zedoar. calam. aromatic. acor. ver. absynth. chamonill. rom. cent. min. card. benedict. sem. anis. fœnicul. zingib. cardamom. caryophyll. cinnamom. macis. pulv. stomachic. Birckmann elixir stomach. Mich. eff. absynth. comp. Conerding. extr. card. bened. cent. min. & quæ plura.

§. XIX.

Præterea regulæ diæteticæ bene sunt observandæ, quippe quæ plurimum ad curationem conferunt, hinc omnia acida, saccharata, mellita, pastæ farinacæ, fructus horæi summopere vitanda, è contrario quæ facile digeruntur, quæ chylum laudabilem præbent, quæ alvum apertam servant, parva quantitate, sed sæpius conceden-

cedenda, opera insuper danda, ut animus sit pacatus, ab ira, metu, terrore sibi caveant ægri, somnus largior concedendus & exercitium corporis moderatum suadendum &c.

§. XX.

Generali autem indicationi remediorum in tali morbo proficuum annectere ratum duximus & illam medendi methodum, qua haud sine prospero cum successu usus fuit B. D. D. Brunnerus, in supra recensito affectu convulsivo profligando, postquam vocatus erat ad ægram, cum ex recensione diætæ infantis ac certis aliis signis concludere potuit, in primis viis adesse saburram vitiosorum humorum, finito paroxysmo tempore intermissionis statim exhibuit sequens vomitorium

℞ rad: Ipecacuanh. ʒss

Tart. emet: gr. j

M: f pulv: pro dosi

a cujus usu multum eruditatum acido-viscidarum per superiora ejecit, quo facto paroxysmi statim mitiores redditi fuerunt, unde illud debitis interpositis alterantibus bis repetiit, deinde ad humores edulcorandos, atque nervorum genus roborandum sequentem pulverem præscripsit

℞ pulv. rad. pœon.

Visc. quern. āa ʒij

C. c. ph. ppt

unicor. ver. ppt

ungul. alc. ppt

succin. alb. ppt

Cinabr. antimon. āa ʒiv

M.

M. d. ad sc. S. Pulver davon alle Tag drey mahl 3. Messerspitß voll zunehmen / cui postea adhuc pulv. stomach. Birkin. & trag: aromat. off zij vel iij addidit. & ejus usum per longum tempus continuari præcepit; præterea regulas diæteticas exacte observandas inculcavit, præservationis gratia lene laxans, cujus basis Rhabarb. singulis fere mensibus usurpandum præscripsit &c. Et hæc sunt, quæ de morbo illo in compendio tradere mecum constitui, quia plura addere temporis angustia haud permiserunt. Quare te L. B. enixe rogo, ut hisce primitiis faveas & si alicubi erravero ignoscas. Interim Deo T. O. M. pro viribus hætenus concessis sit Laus, Honor, & Gloria.

F I N I S.



